

雪坡小葉卷之一
前三行與前卷式

螺川北津羅

與之 與甫

○羅與之雪坡小福
○短歌行

金谷桃李叢
畚鍤費培植
寒冰猶未泮
花葉已疑
貞松生南山
石老厥土瘠
春回氣尚淺
生意發欲息
東皇本無私
託根異形色
曾謂天地功
不及糞壤力

寄衣曲

憶郎赴邊城
幾發秋砧月
若無鴻雁飛
生離即死別

愁腸結欲斷邊衣猶未成寒窻剪刀落疑是劍
環聲

此身倘長在敢恨端無日但願即防邊似妾縫
衣密

舟次赤壁

吳王峴畔泛川流赤壁磯頭半日遊勝地空餘
豪傑迹扁舟不載古今愁極知風景終無異莫
念天時逝不留傷事傷懷長太息靜看江雨沒
浮漚

東擔

東擔出荆扉征塵敝衣人憐雙鬢改我悟半生
非抱璞今誰訴知音古亦稀尋思無一可吾道
欲安歸

旅思

荏苒秋光老空濛曉色奇霜嚴雀語澀風定雁
飛遲旅思荒烟底鄉心野水涯夢歸、未得愁
極祇顰眉

送春

政是風光欲別時可堪烟外雨絲、怕看太白
餘春賦嫌誦淵明止酒詩晝短擬教持蠟炬愁

深悔不下書帷自知無計能遮道任作園林隔
歲期

黃鶴樓

翬飛棟宇擬城端車馬塵中得異觀
雙眼莫供淮地濶一江不盡蜀波寒
老仙橫笛月亭午騷客懷鄉日欲殘
獨撫遺蹤增慨慕徘徊不忍下層欄

玉梁道中雜詠

一別三會峯轉燭閱半紀山根石上苔已沒
舊屐齒摩挲青：松彼樹猶如此
曠言枕清流為洗囂塵耳

清商從西來刺：滿林鳩草木儵變衰柯葉不
相顧昔時翳空雲今作連山雨菊花猶強項籬
邊爭娟嫵

片石能邀人憇此兩足趺忽逢黃冠師對語白
雲巘眼中景物饒恨我蓬華遠躊躇不忍去泉
石尚可剪

峭壁圍莽蒼荒谿人削迹時聞蘆葦叢野鳥話
岑寂浮生雖有涯幽討當無極御風獨長嘯此
心謝鞿鼻

曉霜媒薄寒岩壑失故綠輕飈振槁葉唱徹陽
關曲秋光何足憐嗟此歲事促愁吟思無聊日
沒西山麓

冷澗夜泉破碎山翠似欲留佳客曲折二十

被

四我行無定止蠟屐信所詣偶來儵舍去乘興
耶復爾

支枕郁木山月色瑩如洗林幽枕席清景勝夢
艷偉了當鳥忽曉令我驚欲起金丹事可期來
願供薪水

乾坤掃陰霾晴色敞幽谷山川薦秋容可秀若

可圓千岩寄一筇萬里付雙目行：翠烟中日
與清景逐

濛鴻玉梁境縹渺雲霞仙月壇白雲洞遺址空
依然千年唯辭石躄踞秋山烟徘徊莫可覓酌
盡丹井泉

塵空不可奈飄然入林坳稍覺道心勝漸至詩
脾清靜極生孤愁耿二難為情喧寂兩莫愜吾
意何由平

春殘

林端啼鴉損年芳洞口空憐野水香人與落英

無寂寞蝶隨飛絮兩彷徨不因花事榮枯易未
覺春工代謝忙却愛曉來風日暖綠陰千丈漾
橫塘

絕知

羈旅日騷々人間事若毛絕知操筆誤深羨把
犁高百歲纔能幾終朝強作勞虛名竟何益肯
把換蒲萄

登玉笥山投龍洞

捫蘿入幽谷眼累益崢嶸石壁斷人跡泉流間
鳥鳴日高雲未散秋晚草猶榮坐久無歸意悠
然世念輕

閒立

晚來閒立小谿邊看徹透峯入紫烟四壁儘堪
供我隱一寒未至乞人憐功名不與尊前事時
序寧知局上遷可笑區區當世士滿懷冰炭苦
相煎

下第西歸

拋却銀袍製芰荷春風一曲紫芝歌古來至寶
多橫道何事荆山泣卞和
才難濟世甘避世心不愁天惟樂天林下山間

深密處曲肱飲水興悠然

江行阻風小市

弭棹黃蘆外江雲遠
拖牙寒深身軫粟風急浪
生花日暮人收市年窮
客念家倚篷無可奈忍
見後歸鴉

遊春

春濃無處不相宜草暖
雲昏二月時蝶舞花梢
風細鶯啼柳底日遲
摸將景物歸詩卷判
得光陰付酒卮箇裏
各隨人有得五陵豪俠豈
能私

始見

雪後寒猶勁書窓怯
暫開因沽江畔酒始見竹
開梅歲月崢嶸去衰顏
次第來誰能憂許事杖
履且徘徊

山行

狂飈卷雨辨朝曦似與
新詩有會期秋水秋山
秋草木渾將乞與數篇詩
烟草淒迷露未晞一筇
伴我立晴暉丹楓雖老
猶多態散作漫山野蝶
飛
旆：黃茆潑眼明荒郊
盡日絕人行誰知氣象

蕭條處賸有山川可鼎烹
槁葉忘身絕澗流蘆花搔手欲風休羨渠山鳥
渾無事相對飛鳴草樹秋
片雲輕度半岩陰巾屨俄驚翠靄深澗底寒泉
知害懶石根漉漉自長吟
烏藤落手野烟開水秀山明入望來舊日經行
曾著語試看石壁已莓苔
盡日留連興未闌寒鷓背負夕陽還遙知今夜
空愁夢只在江南水石間

客裏

客裏愁濃處秋宵月欲斜雁聲頻到枕蝶夢未
還家世有多歧苦人因一念差遙思林下去策
笠釣烟沙

寄玉筍蕭高士

滴露騰騰真誥蕭然莫與羣新詩高似月世念薄
于雲俗走堪憐我閒眠極羨君唯餘綠綺韻惆
悵未曾聞

尋芳

尋芳自勒青絲鞵日暖烟濃春意重晚來被酒
卧花陰流鶯喚醒東風夢

桂花爛熳一夕敗于風雨呼僮掃落英
以供香事戲作古句

小山涼風高秋氣遠庭砌江南山水秀鍾此數
叢桂亭：蒼虬蟠磊：粟玉綴薰染風露香擺
脫脂粉媚芙蓉已無秋籬菊極羞媿幽芳蕙百
畝香味亦瑣細孰知標格奇自取造物忌狂風
挾怪雨族滅無噍類絕憐金作屋俄驚粟布地
姿容就楛槁氣骨尚奇異如彼死諸葛漂：有
生意試炷博山火來參烟一燧

喚我

晴空喚我出柴扉山色留人倚落暉春意已隨
流水去晚風忍挾亂花飛尋思樂事惟心在惆
悵良辰與願違尚有扁舟奇絕處江南水煖鱖
魚肥

客行

客行困泥淹山堠不勝長就使雨點暴更令風
力狂時危嫌店遠日暮覺程忙身世摧頽甚艱
難已備嘗

山居閑思

雲散山月吐星稀山月高相羊風露底望月誦

離騷

菡萏兒女態春鋤金石交曉來微雨過涼思滿
蒲梢

兩作糟床注秋生鱸膾思卷簾了清景流水裊
烟絲

夢迴

酒薄難成醉輕寒襲破衾夢回孤客枕聽徹草
蟲吟寂寞三秋夜淒涼一片心山林與朝市底
處豁愁襟

夏雨

飄忽回風起差池高鳥翔雲攘千嶺碧雨獻一
天涼飽意歸田畝歡涼入醉鄉忽思素秋氣蕭
瑟滿空堂

展轉

郵亭徹夜聽秋聲展轉蓆床直到明月白霜輕
寒剪剪築成萬里客愁城

寄企梅兄

朱墨叢中不憚勞驕然聊試發劔刀得時行道
官無小與物為春政自高閑對崆峒餐秀色醉
濡章貢助吟豪自憐無計相從去十八灘頭泛

一舸

中秋步月

林間一葉秋屏去三伏暑凄然風露繁締絡莫
能禦炎涼相推移胡為遽如許孰知秋已半今
夕四十五

幽人披襟來步此一庭月如渡滹沱水似泛山
陰雪誰將羗管急間彼隣杵切冉々秋思生令
人欲愁絕

空山本無塵况復值良夜風清月色佳圭璧不
當價徐行苔徑間小之林影下飄々意欲仙舉
手人世謝

光陰若劈箭行樂常恐遲人生百歲客擾々竟
何為四美古難并千年調亦痴麴生不我棄邀
月耶自怡

景物與意會捫髯聲悲鳴一語得總持萬狀就
使令以我詩思苦賞他秋月明今夜月明裏幾人
同此情

姑蘇道中

滿眼菰蒲翠撲衣雙々沙鳥漾斜暉閑愁一段
如冰釋楊柳叢中亂酒旗

信步

信步獨幽尋春山野霧深鳥啼如喚僕泉響似
鳴琴日暖草爭秀風狂花不禁却嫌荒僻地無
酒與春斟

泛舟秋懷

白露消磨暑丹楓點畫秋閑吟小山賦歸思大
江流世盡營三窟人誰樂一丘蓬窻有佳致月
朗正風休

木犀花

金粟如來澗竚姿不隨桃李赴春期江南花品
秋居最何況秋花中絕奇

湯沐晴空顯露繁清香十里壓梅檀紗窻夢覺
秋風度疑是秋家住廣寒
秋景連蜷隱士攀渾無蜂蝶沅林間何人說與
陶元亮未必東籬勝小山

山行愁思

日落烟欲橫山寒翠將滴荒村渺愁人跬步觸
四塞路遙兩髀酸頗恨身不翼舍策還悵然倦
倚松下石

明月印野水暮色進旅愁僕補主亦疲心口相

怨尤茅舍劣容膝弛擔耶小休會當理蹄策甘
彼窮山囚

夜宿郁木福地倘祥明月間遐想仙風
得五十六字

騎氣乘雲事已灰娟々野月照蒼苔自憐不及
壇前石曾遇仙翁躡屐來
淒涼風露濕人衣猶自踟躕未忍歸樹影忽來
山月轉誤驚鶴翅似輪飛

閒居遺懷

日暮掩松關悠然謝往還停盃因待月徙倚為
看山貧悟道中樂醉偷忙裏閒耳根偏可意風
澗響潺湲

寂耶

睡起和春倚小廊寂聊情緒滿斜陽園林已是
花飛急簾幕爭禁燕語忙

以似
雷披小藁卷一

卷六十二

雪坡小藁卷之二
尚三行思尚卷式

○羅與之雪坡小稿
○書感

螺川北涯羅與之與甫

設險重門未足憑
民心應是有長城
朝廷休戚視田野
宗社存忘非甲兵
氣寔精神寧敝竭
本枯枝葉可敷榮
古人經理先觀勢
兩臂于韓孰重輕

蛾眉亭

悠二飛露滿汀洲
絕目蛾眉最上頭
對此江山還有月
知他世界盡無秋
情懷社老鄜州夜
景

物坡仙赤壁游長歎劃然空谷應風生浪湧不
容留

動後

莫作楊朱泣路歧此心自被利名移車奔寧是

駕尼父舟覆應非載伯夷出說悔吞從來生後

日嘯歌元祇在閑時可憐秦晉功成者欲避危

機已太遲

文到

簡編香外兩孤翻翰墨場中春日暄文到工時

疑有助道逢極處本無言當年誰可輩任坊後

世人方怪屈原勿謂詞章真小技精粗微妙豈

殊根

臨流

習二涼颺起素波臨流解帶小婆娑秋光已共

蘆花老夜雨那勝落葉多不覺儒酸同糾纏極

知妄想盡銷磨笈中班史猶堪質肯作商聲甯

戚歌

鳳凰臺間眺臺前瞰軍壘有感而賦

秋風携野客杖履鳳凰臺忍見貔貅戍更聞鴻

鴈來時方憂大廈世豈乏良材何日覽輝至龍

文載九垓

為言

日薄寒濃春意微
花鬢柳眼尚依稀
為言羯鼓休頻打
催得先開即早飛

秋林

秋晏玄雲督積陰
平蕪氣象極蕭森
細看搖落風霜意
已見發生天地心
畢竟裁傾非外致
豈伊培覆自相尋
若教宋玉曾聞道
九辨悲思未遽深

卧病

六塵緣影正堪嗟
二豎乘虛勢益加
憶昔鼻頭能出火
即今眼底已生花
婦言伐性多因酒
醫戒傷生少試茶
悟罷本來安得病
角弓誰使認為譚

題采石李太白祠

仙翁謫墮岷山下
逸氣如虹耿林罅
萬言倚馬不作難
坐令神鬼皆驚嚇
翹二車乘懸弓旌疇
咨時政肝膽明和番
書草金鑾殿清平詞
度沉香亭聲華視漢
媿黃綺寶床賜食龍
顏喜掉頭歟作燕
晉遊却笑卿相紆
朱紫開元盈成亦已

極屏間山水代無逸未必脫靴恨爾深自是見
幾不終日錦袍錯落浮扁舟呼兒買酒盟江鷗
天公似悔夜郎禍明月已起烟波愁采石青
三尺墓至今祠祭勤呵護

長至書意

萬草千花若死灰陽和一氣已潛回莫言舉世
無先覺幾處寒梢放野梅

適過三首

東風滿天地貧家獨無春負薪花下過燕語似
譏人

白屋釜生魚青樓行細膾靜思天地間寧有私
覆載

門前桑柘枝中有千錦機遊人不迴顧桃李獨
成蹊

却羨

貴客寧知拂徽琴郢人漫倚引商音那堪歲月
化雙鬢空有悲歡寄寸心囊底有方食白玉床
頭無術致黃金抗塵走俗曾何補却羨鷓鴣托
一林

三高亭

灼：曾暉漸欲西長橋弭棹倚欄時湖光渺漭
浮寒鑑山色依稀抹黛眉一舸功成非本志三
秋歸思亦何遲始終惟有天隨子笑却旌招理
釣絲

花下嘆

人生何處較窮通天意原難測始終花落花開
翻覆手君看同此一春風

林深

林深氣雜不相聞衆達芳馨兩廡間月樹琴彈
新製曲曉窻畫展舊遊山淒涼風滿竹千箇的
鑠春歸梅一斑可笑野人無繫累機心猶在釣
魚灣

總是

忍看繁紅委路塵空餘野草綠無垠人生憂樂
何終極總是迎春又送春

一夜

潦收野水靜雲陣布重陰一夜西風急千山落
葉深身猶衣暑服早已厭寒砧對此無心者還
應雪滿簪

寄遠詞

寒梢蕭索風振林蟪蛄切、語欲噤終宵展轉
不能寐遙憶良人戰場裏陽關一別歸無期翠
烟幾度秋螢飛當時手種合歡樹今已蒼々雲
雨垂蜀錦裁書憑鴈寄那能道人意中事深秋
倘得未移軍猶見幽閨數痕淚居延城外刁斗
聲無定河邊霜月明妾身雖老幸未死何日中
原賀太平

被酒

人間笑口信難開十事嘗嗟九不諧
忙裏始知閒氣味老來方見少情懷
清高僚慄歲無幾玄髮蕭疎生有涯
誰謂伯倫聞見滅却甘麴蘖自沉埋

衛生

屏去雞壘與豕零試聽我誦衛生經
兩忘寵辱心源靜一掃榮枯眼界明
醜毒不令生厚味姦邪寧使出繁聲
冥鈞深養靈根固四體調和血氣平

瀟湘道中

客行適瀟湘淒其歲行晏
枯梢風騷勞荒郊雲濙漫
撼々雨聲急皚々雪花燦
心索泥途深渺

改翰
抄本七頁
行

默山堠遠日暮欲稅駕天末扣孤館米盡孰生
塵薪濕火不煖此意對三閤似結兩重案人生
如空華百歲等抹電那忍聽客塵日夜苦相煎
懷安名所敗飽食親孰顯恭承古昔訓險阻庸
敢憚信知有此身乃是一大患愁深不能寐歌

看葉

紅紫飄零草不芳始宜撰杖向池塘看花應不
如看葉綠影扶踈意味長

談道

休將視聽探希微衆妙何嘗間險夷舍一而求
非恍忽自三以究豈支離試看瓦礫道寧隱若
外筌蹄思益奇熱即取涼寒向火是中消息幾
人知

己亥中秋

此行不負中秋夜采石江頭醉及晨獨御涼風
尋古迹驚看明月照今人詩騷寂寞雖云久光
景推移豈解陳却恠悲鳴營度處筆端何事竟
無神

虎溪

默山堠遠日暮欲稅駕天末扣孤館米盡孰生
塵薪濕火不煖此意對三閭似結兩重案人生
如空華百歲等抹電那忍聽客塵日夜苦相煎
懷安名所敗飽食親孰顯恭承古昔訓險阻庸
敢憚信知有此身乃是一大患愁深不能寐歌
長未及亂門前車鐸鳴輪音復號旦

看葉

紅紫飄零草不芳始宜撰杖向池塘看花應不
如看葉綠影扶疎意味長

談道

休將視聽探希微衆妙何嘗間險夷舍一而求
非恍忽自三以究豈支離試看瓦礫道寧隱若
外筌蹄思益奇熱即取涼寒向火是中消息幾
人知

己亥中秋

此行不負中秋夜采石江頭醉及晨獨御涼風
尋古迹驚看明月照今人詩騷寂寞雖云久光
景推移豈解陳却恠悲鳴營度處筆端何事竟
無神

虎溪

衝炎吹客襟飄拂虎溪渡遠想二笑時此意固
有寓孰知秘密藏奚聞笑默語繩々徹上下綿
綿貫今古東林鐘聲幽康廬山色嫻是皆善知
識長時相警悞世人自合塵兩耳聾莫覩百千
微妙意墮在一毫許我行發深省如重睡忽寤
向人欲舉似有舌不能吐

默坐

改吳
抄本

身四行

一馬佩金壺默坐空窓氣晏知已覺胸襟

衣那知花草就榮枯絃何庸絕琴寧有聲

未曾銷塵本無此語倘教遊子聽料應笑我一
何愚

倦倚

蟬聲燕語細相和池面纔浮點々荷倦倚闌干
消末日葡萄陰薄柳風多

此悟

遠々偶々亦堪悲桀死堯生畢竟齊空羨駝峯
烹翠釜漫思鱸膾拌金齏榮華代謝看荆棘今
古推遷望澗溪物化密移於此悟長歌拾穗任
天倪

衝焱吹客襟飄拂虎溪渡遠想二笑時此意因
有寓孰知秘密藏奚聞笑默語繩々徹上下綿
綿貫今古東林鐘聲幽康廬山色嫵是皆善知
識長時相警悞世人自合塵兩耳聾莫覩百千
微妙意墮在一毫許我行發深省如重睡忽寤
向人欲舉似有舌不能吐

默坐

厭調鞍馬佩金壺默坐空窓氣晏知已覺胸襟
亡得喪那知花草就榮枯絃何庸絕琴寧有聲
未曾銷塵本無此語倘教遊子聽料應笑我一
何愚

倦倚

蟬聲燕語細相和池面纔浮點々荷倦倚闌干
消末日葡萄陰薄柳風多

此悟

遙々偶々亦堪悲桀死堯生畢竟齊空羨駝峯
烹翠釜漫思鱸膾拌金齏榮華代謝看荆棘今
古推遷望澗溪物化密移於此悟長歌拾穗任
天倪

雪坡小豪卷二



國家圖書館, NATIONAL CENTRAL LIBRARY, TAIWAN, R.O.C.